

治河全書

治河全書

卷之十八

章奏

見修工程

海口佳名

請封河神

堵嵇家關

清口築壩

頂補高堰修工人員

開陶莊引河

加築挑水壩

勅加封號

運料河停工

六壩修石工

高堰滾壩

兵部尚書兼都察院右都御史總督河道提督軍務臣張鵬翮謹
奏為欽奉

上諭事康熙三十九年五月十四日接員外郎拖克拖和中書
張古禮傳奉

上諭康熙三十九年五月初六日大學士伊桑阿馬奇奉

上諭員外郎拖克拖和中書張古禮著馳驛前往河道總督張
鵬翮處將修過河工情形閱看伊等無有專責將工程令河
道總督張鵬翮明白繕寫摺子交與伊等帶來啟奏欽此欽
遵臣跪聆之下仰見我

皇上至仁至聖無刻不以

國計民生為念臣雖庸愚受茲督河重任適值河工潰敗之後敢不殫心竭力任勞任怨勉勵河員實心任事奏圖安瀾以仰抒我

皇上宵旰塵懷之意但從前之工程極敝目前之修理紛紜臣遍歷河干廣集衆思斟酌施工次第謹將見修工程一一為我

皇上陳之

一水以海為壑臣見攔黃壩巍然如山堵塞海口下流

不暢隨委賢能官動帑盡行挖去挑濬河身寬濶深
通曾經

題明在案今已將積土盡行挖去開濶深通水流暢達沛然
入海用過錢糧及

請賜大通口佳名以垂永久建立海神廟以答神庥臣已另疏
具

題

一馬家港係董安國等誤開海口也今已堵塞完工曾
經

題報在案

一時家馬頭決口坐落安東黃河北岸地方經董安國
于成龍等任內兩次發帑十萬餘兩興工尚未堵塞
臣已親臨工所嚴飭作速進埽勒限堵完該同知佟
世祿任意遲延不完希圖冒帑已經

題叅

一陶家莊引河坐落清河縣北岸地方今奉

旨命部臣范承勳等挑濬并建對岸挑水壩見在修理未竣然
必須上緊僱工蚤完俟水長便於開放

一運口新築攔黃壩准有部文動帑興工今先築兩岸
土壩俟糧船過完再堵運口使黃水歸海引清水入
運河

一裴家場引河部臣委王毓賢挑挖寬深今正在動工
挑挖務期一律寬深俟水長開放

一挑張福口引河一道引清水濟運經臣

題明動帑興修在案今正在挑挖工已及半飭其尅期完工
俟水長開放

一高家壩係淮揚二郡保障關係甚鉅其自武家墩至

小黃莊一帶排椿埝卸堤身衝刷之處臣同部臣范承勳王鴻緒等會議動大工帑銀先將臨湖釘埝修築曾經

題明在案今正在修工將高堰關帝廟至小黃莊緊要之處先行修完再將關帝廟至武家墩堤工修理務期速竣以禦伏汎

一小黃莊至周橋一帶堤工經部臣范承勳等具

題交與分修官王日藻等分十四段加幫今正在興工尚未

全竣必須上緊加幫一律全完

一邵伯更樓決口已經修壩堵塞完工糧船通行無阻
居民亦鮮水患其舊決口雖不堵塞築亦屬無礙且河
工需用錢糧浩繁之際似可暫緩

一高郵州護城堤工關係緊要經臣

題明興修在案今正在修築尅期告竣以資捍禦

一嵇家閘缺口今正在堵築未完但湖水方盛邵伯南
壩已堵若將此口堵塞無處洩水東岸堤工可虞應
暫留此口洩水以保堤工經臣於報情形疏內

題明在案俟秋盡建閘以資宣洩

一人字河芒稻河引湖水入江關係緊要經臣

題明挑濬在案今正在上緊挑挖務期寬深速完以資宣洩

其芒稻閘俟秋盡水落方可修建

一鳳凰橋引河引湖水由芒稻河入江前因挑挖不深

河心又係高岡以致水不能流經臣

題明挑挖深通在案今正在上緊挑挖使深務期速竣引水

暢流

一劉老澗遙堤造石減水壩內建磯心八座係會勘案

內候選知縣佟世燕等領帑承修之工壩牆磯心俱

完尚有底石正在鋪砌未竣飭其作速砌完壩下挑
引河一道宣洩中河異漲之水自鮑家莊至殷家口
入漣河下海馮佑領幫挑濬總未挑完飭其作速挑
濬竣工如不竣工另疏

題叅

一九里決口坐落高郵州九里地方已經堵塞完工
一清河北岸子堤缺口坐落清河縣中河北岸已經堵
塞完工謹將見修工程繕寫摺子具

奏伏乞

皇上睿鑒施行等因康熙三十九年五月二十五日奏六月初八日奉

旨九卿詹事科道會同速議具奏欽此欽遵於六月初九日抄出到部該臣等會議得河道總督張鵬翮奏稱時家馬頭決口尚未堵塞陶家莊引河并建對岸挑水壩部臣范承勳等見在修理未竣運口新築攔黃壩令先築兩岸土壩俟糧船過完再堵運口裴家場引河部臣委王毓賢挑挖寬深今正在挑挖張福口引河挑挖工已及半高堰閘帝廟至小黃莊緊要之處先行修完再將閘帝廟至武家墩

修理速竣以禦伏汛小黃莊至周橋一帶堤工王日藻等
分段加幫尚未完竣高郵州護城堤工今正在修築人字
河芒稻河今正在挑挖其芒稻閘俟秋盡水落修建鳳凰
橋引河今挑挖深通劉老澗遙堤造減水石壩壩牆磯心
俱完尚有底石正在鋪砌壩下挑引河一道未經完工等
語應行該督等將前項未完各工速行催完又奏稱邵伯
更樓決口已經修壩堵塞糧船通行無阻其舊決口雖不
堵築亦屬無礙似可暫緩秘密家閘缺口堵築未完但湖水
方盛南壩已堵若將此口堵築無處洩水東岍堤工可虞

應暫留此口洩水以保堤工等語均應如所奏又奏稱攔
黃壩今盡行挖去開濶深通水流暢達沛然入海馬家港
今已堵塞完工九里決口并清河北岸子堤缺口堵塞完
工等語應毋庸議康熙三十九年六月十三日題本月十

五日奉

旨依議速行

兵部尚書兼都察院右都御史總督河道提督軍務臣張鵬翮謹
題為恭報海口疏通仰祈

睿鑒特賜佳名以垂永久事該臣看得水性就下以海為壑理
固昭然臣遵

旨看視海口將淤黃壩盡行拆去開濬河身深通曾經

題明在案今據監工官原任知州劉可聘等報稱四月二十
一日動工星速拆完盡去積土挑濬深通至五月初九日
如式完工開放水勢暢流衝刷淤沙旬日之間深至三丈
寬及百丈有餘滔滔入海沛然莫禦且自動工以來海潮

不興風濤不作得以施工工程甫竣即長水二尺以資開
放暢達入海此皆仰仗我

皇上留心國計軫念民生至誠仁愛上孚

天心海神效靈之所致也凡屬臣民莫不惟忭感頌願去欄黃壩
之陋稱易大通口之佳名伏乞

皇上欽定以垂永久建海神廟以答神庥除用過錢糧咨臣覈
實造冊另疏具

題外所有海口疏通情形理合恭疏

題報伏乞

皇上睿鑒施行等因於康熙三十九年五月二十一日題六月

初五日奉

旨該部議奏欽此欽遵禮科抄出該本部覆河道總督張鵬翮
題前事內開該臣等議得准工部咨稱河道總督張鵬翮
疏稱臣看視海口將欄黃壩盡行拆去開濬疏通水勢暢
流滔滔入海沛然莫禦且自動工以來海潮不興風濤不
作得以施工此皆仗我

皇上留心國計軫念民生至誠仁愛上孚

天心海神致靈之所致也願去欄黃壩之陋稱易大通口之佳名

伏乞

皇上欽定以垂永久等語查康熙三十七年六月內原任直撫于成龍將開河功竣伏乞

賜名永定河請建河神廟等因具題臣部議覆

欽賜名永定河建造河神廟在案今該督既稱自動工以來海潮不興風濤不作得以施工仰仗我

皇上留心國計軫念民生上孚

天心海神效靈應如所請

賜名大通口建造廟宇其建造之處交與該督俟廟宇造完之

日報部可也等因於康熙三十九年七月初一日題本月
初三日奉

旨依議

兵部尚書兼都察院右都御史總督河道提督軍務臣張鵬瀚謹
題為河神效靈請

勅賜封號以答靈貺事臣惟

聖明在上百神效靈詩載懷柔百神允猶翁河之頌古今不易
之理也臣今年奉

命治河值河工潰敗之後夙夜惴惴懼無以仰報

主恩之重履任後循往例謁金龍四大王之神即禱祝曰黃淮
不治下民昏墊我

皇上軫念國計民生宵旰憂勤不惜數百萬帑金修治河工凡

以為民也然護

國庇民神亦與有責焉仰藉神庥默相安瀾蚤奏成功當特

疏恭請

勅賜封號以答神庥自是海口疏通伏秋二汛黃不出岍糧艘
進口間有淺澀即降陰雨水長濟運十一月初三日清水
出運口淮黃交會一水兩分南北兼濟儼然神助此皆我
皇上聖德感孚故爾河神效靈致之禮經能為民禦災捍患者
則祀之又查順治二年河清十里兩堤克奠前河臣楊方

興

題請

特封顯佑通濟之號褒揚神庥自昔已然於今為烈伏乞我
皇上勅加封號更請

御書匾額垂示永久則我

皇上懷柔之典光昭萬世矣等因於康熙三十九年十一月初

十日題十二月初一日奉

旨該部議奏欽此欽遵於本月初二日抄出到部該臣等議得

河道總督張鵬翮疏稱臣奉

命治河仰藉神庥海口疏通皆我

皇上聖德感孚故爾河神效靈伏乞

勅加封號更請

御書匾額垂示永久等語查順治二年奉

聖旨黃河神特封顯佑通濟金龍四大王之神在案今我

皇上聖德感孚河神效靈海口疏通應如該督所請將加封字

樣由內閣撰擬其給賜

御書匾額垂示永久俟

命下之日交與翰林院將

御書匾額發出之日頒發河道總督恭製懸挂可也等因於康

熙三十九年十二月初七日題本月初九日奉

旨依議

兵部尚書兼都察院右都御史總督河道提督軍務臣張鵬翔謹
題為欽奉

上諭事案准工部咨開本部等衙門會議河道總督張鵬翔奏
稱嵇家開口堵築未完但湖水方盛南壩已堵若將此
口堵塞無處洩水東岸堤工可虞應暫留此口洩水以保
堤工等語應如所奏等因奉

旨依議連行欽此欽遵抄出到部移咨到臣准此當即檄行該
道遵照去後今據淮揚道叅議王謙冊詳到臣據此該臣
看得嵇家開口鯀魚壩上年前河臣于成龍等開放洩水

今春堵築未完臣相度形勢見湖水方盛南壩已堵若將此口堵塞無處洩水東圻堤工可虞應暫留此口洩水以保堤工俟秋盡建閘以資宣洩經臣

奏明九卿議覆應如所奏奉

旨依議速行欽遵轉行在案今據淮揚道叅議王謙詳稱嵇家閘未堵運河水勢長發固可借以宣洩水落不能容蓄恐來年重運經由有溜掣稽遲之患必須預開另於閘南昭關廟地方改建滾水石壩一座水大則借以宣洩水小則蓄以利運改建滾水壩較比河底高一丈口寬十丈估用

工料銀四千四百兩九錢二分六釐堵塞舊閘缺口估用
工料銀一萬五千八百一十六兩四錢一分八釐二共估
銀二萬二百一十七兩三錢四分四釐並無浮冒分晰造
冊詳估前來臣親勘覆覈無異隨委署揚河通判事楊糧
通判王佐承修淮揚道叅議王謙監工督催除原冊送部
外相應具疏

題估所有需用錢糧請

勅部迅賜撥帑以便乘時辦料興修伏乞

皇上睿鑒勅部議覆施行等因康熙三十九年十月二十四日

題十一月十三日奉

旨該部速議具奏欽此欽遵於十一月十四日抄出到部該臣等議得河道總督張鵬翮疏稱嵇家閘未堵恐來年重運經由有溜掣稽遲之患必須實開另於閘南昭關廟地方改建滾水石壩一座水大則借以宣洩水小則蓄以利運其改建滾水壩堵塞嵇家閘舊缺口共估銀二萬二百一十七兩三錢零隨委署揚河通判事楊糧通判王佐承修淮揚道王謙督催請迅賜撥帑以便乘時辦料興修等因前來查該督既稱將嵇家閘缺口堵塞改建滾水石壩等

語均應如所題堵塞建造所需錢糧移咨戶部撥給工完
數減造冊題銷再查嵇家閘該督雖稱前河臣于成龍開
放洩水但並未題明且致決口甚為寬濶應行該督查明
具題可也康熙三十九年十一月十六日題本月十八日
奉

旨依議速行欽此欽遵抄出到部移咨到臣准此隨即備行該
道查明詳報去後今據淮揚道叅議王謙詳覆到臣據此
該臣看得堵塞嵇家閘口門并改建滾水石壩需用工料
銀二萬二百一十七兩三錢零經臣具

題估計部覆應如所題堵塞建造工完覈減造冊題銷奉

旨依議速行欽遵在案今據淮揚道叅議王謙詳稱昭關廟改

建溪水壩俟修完另冊報銷查堵塞嵇家閘原估工料銀

一萬五千八百一十六兩四錢一分八釐先經署揚河通

判革職知縣李世彥修築兩裏頭長六丈續經署揚河通

判事楊程通判王佐接堵口門二十四丈二共工長三十

丈實用工料銀一萬三千八百五十六兩六錢五分六釐

二毫節省銀一千九百五十九兩七錢六分一釐八毫並

無浮冒再查李世彥先於前河臣于成龍任內領過銀三

千兩修築裏頭六丈已於清查錢糧案內

題報在案今將部撥原估銀內扣存三千兩見貯司庫以抵前項又部查嵇家閘開放未經

題明委因康熙三十八年高江各壩俱閉唐埂六壩俱開以致河湖加長盈堤溢岸遂於該年七月初八日將此壩開放洩水洶湧急溜致將兩壩刷寬並非漫缺是以前河臣于成龍未經

題報等因前來臣覆覈無異除原冊送部查覈外相應具題伏乞

皇上勅部覈銷施行等因康熙四十一年三月初八日題本月

二十五日奉

旨著察覈該部知道欽此欽遵於三月二十六日抄出到部該
臣等議得河道總督張鵬翮疏稱昭關廟改建滾水壩俟
修完另冊報銷堵塞嵇家閘原估工料銀一萬五千八百
一十六兩四錢一分零今實用銀一萬三千八百五十六
兩六錢五分零節省銀一千九百五十九兩七錢六分零
並無浮冒內李世彥修築兩襄頭於原任河臣于成龍任
內領過銀三千兩今將部撥銀內照數扣存以抵前項等

因前來查堵塞私家開所用銀兩該督既稱並無浮冒等語應准開銷節省并扣抵銀兩俱貯庫爲河工之用其滾水壩速行催償完工再私家開開放洩水將未經題明緣由行令該督查明去後今疏稱因康熙三十八年高江各壩俱閉唐埂六壩俱開將此壩開放洩水洶湧急溜致將兩壩刷寬並非漫欽是以前任河臣于成龍未經題報等語既經該督聲明應毋庸議康熙四十一年四月十四日題本月十五日奉

旨依議速行

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙三十九年五月初八日准工部咨開都水清吏司
案呈奉本部送工科抄出該本部等衙門會覆刑部侍郎
常綬等奏前事等因康熙三十九年四月初二日奏本月
十五日奉

旨九卿詹事科道會議具奏欽此欽遵於四月十六日抄出到
部該臣等會議得侍郎常綬等奏稱臣等會同尚書范承
勳王鴻緒等府尹徐廷璽等看得原任總河董安國所挑

黃河之引河已經淤墊挑水壩亦已毀壞今將引河挑寬
三十丈長七百八十丈深一丈三尺河口挑及大溜其挑
水壩務令寬長盡力修築使水溜挑入引河北修築之處
交與范承勲董訥將捐修官員內揀選十人乘時修完等
語查黃河挑引河築挑水壩之處先經尚書范承勲等估
計具奏臣等會議題覆令速行挑築在案今侍郎常綬等
既稱會同尚書范承勲等驗看其奏應如所奏又疏稱清
口爛泥淺三道引河雖然出水止能入運並不能出清口
入黃不閉清口黃水一長運河淮河俱致倒灌淤墊若口

門下埽堵塞漕船一到隨開已過隨閉必致根底刷深難以修堵應於清口之內見有兩岸之堤橫截清口排棧下埽僅留船行之口漕船過完之日隨即堵塞俟漕船回空之時開壩過完仍行堵塞此所修之處一面修築一面將所用錢糧詳估造冊報部再見今三道引河既已出水只應照尚書范承勲等所議將裴家場引河一道照原估丈尺再加挑挖寬深此三道引河出水之口築壩攔堵以防黃水倒灌漕船過完清口堵塞之時將引河攔堵之壩開放使水入運俟淮水蓄聚可以抵黃之時將清口堵塞之

堤開放抵黃等語應均如侍郎常綬等所奏可也康熙三

十九年四月十八日題本月二十一日奉

旨依議欽此欽遵抄出到部擬合就行為此合咨前去查照本
部等衙門會覆奉

旨內事理欽遵施行等因到臣隨行淮徐道轉行該廳去後今
據山清裏河同知常維楨詳稱清口之內遵奉憲行建築
攔黃壩工見今興舉俟重運過完之後即行堵閉斷流所
有一應兵差等船往來絡繹必須於未經閉壩之先預為
酌妥庶使差船一到臨時過壩方克有濟相應詳請移咨

總漕部院飭行府縣將額設便民等船預為挽拽出口或
於老壩口惠濟祠二處停泊接應差使庶公務臨時不致
貽誤等因到臣據此該臣看得清口築壩漕船過完隨即
堵塞臣准部咨即行發帑委令襄河同知常維楨備築已
照式築壩下埽僅留口門今糧船盡數過淮指日出口即
可煞壩且張福口引河挑成引出清水已至壩口只待煞
壩便可開放流入運河其一應進

貢以及差使官兵船隻應過壩者聽其過壩應起旱者即行
起旱不得擅自開放俟糧船回空時方可啟壩過完仍行

堵塞相應具疏

題明伏乞

皇上睿鑒勅部議覆施行等因康熙三十九年六月十九日題
七月初三日奉

旨該部速議具奏欽此欽遵於七月初四日抄出到部該臣等
議得河道總督張鵬翮疏稱清口築壩漕船過完隨即堵
塞臣准部咨即行發部委令裏河同知常維楨備築已照
式築壩下埽僅留口門令糧船盡數過淮指日出口即可
熬壩且張福口引河挑成引出清水已至壩口只待熬壩

便可開放入運其一應進

貢以及差使官兵船隻應過壩者聽其過壩應起旱者即行
起旱不得擅自開放俟糧船回空之時啟壩過完仍行堵
塞相應具疏題明等因前來應照該督所題可也康熙三
十九年七月初七日題本月初八日奉

旨依議速行欽此欽遵抄出到部移咨到臣准此當經檄行該
道轉飭領築去後今據淮揚道叅議王謙工完造冊詳請
題銷等因到臣據此該臣看得清口康熙三十九年煞築欄
黃壩臣准部咨即行具

題發帑委令裏河同知常維楨備築部議覆准奉

旨依議速行欽遵在案今據淮揚道叅議王謙詳稱原任同知
常維楨因工程緊急遵即備料興築工完報銷駁行覈減
據見任同知王英謀移准常維楨痛加覈減請銷銀四千
八百四十二兩七錢七分三釐於中節省銀四百八十七
兩七錢一分七釐五毫實銷銀四千三百五十五兩五分
五釐五毫並無浮冒等因前來臣覆覈無異除原冊送部
查覈外相應具

題伏乞

皇上勅部覈銷施行等因康熙四十年十二月二十日題四十年正月二十五日奉

旨著察覈該部知道欽此欽遵於正月二十六日抄出到部該臣等議得先經原任侍郎常綬等奏稱黃水一長運河淮河俱致倒灌淤墊應於清口之內下埽堵塞漕船一到隨開已過隨開等因經九卿會議覆准在案今據該督疏稱清口煞築攔黃壩委令原任同知常維楨僱築實銷銀四千三百五十五兩六分零覈減銀四百八十七兩七錢一分零並無浮冒等因前來查清口煞壩用過銀兩該督既

稱並無浮冒等語應准其開銷覈減銀兩貯庫為河工之用可也康熙四十一年二月十二日題本月十五日奉

旨依議

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙三十九年正月初七日准工部咨開都水清吏司
案呈奉本部送工科抄出該本部等衙門會覆侍郎常綬
等奏前事等因康熙三十八年十二月十七日奏本月十
八日奉

旨若將高堰放水壩堵閉建造滾水壩土堤加幫高厚則湖水
必高黃水又大湖水不出之時高堰堤工危險而泗州等處
必至水淹著大學士九卿詹事掌印不掌印科道會同確議

具奏欽此欽遵該臣等會議得侍郎常綬等疏稱武家墩村北元帝廟稍遠之處應行開口又將高堰加築高厚減壩盡行堵塞臨湖汕刷之處亦應修補不許堤根取土應添挑引河二道等語查武家墩改移清口甚好但見今物料未備恐明年雨水之前不能完工漕運甚屬緊要雖改移清口其高堰亦必須加幫相應將高堰照侍郎常綬等所奏速行加幫高厚不致遲誤明年漕運所需約估銀一百二十八萬五千四百四十九兩零令戶部就近撥給再先前各工撥給銀一百八十萬餘兩分給各官至今工程尚

未完竣此加幫高堰挑挖引河等工若又交與伊等必致
遲誤修此工程應差部院堂官一員督催并簡賢能堂司
官員分給段落令其節省錢糧堅固作速修造至邵伯更
樓高郵九里等處決口至今尚未堵塞完工此亦關係漕
運亦應差部院堂官一員督催作速完工應差堂官并分
段修工堂司官員恭請

欽點康熙三十八年十二月二十日題本月二十二日奉

旨依議這督催工程著范承勳王鴻緒王拱宸布雅努喻成
龍顧藻壽鵬王紳高裔去分修工程著董訥王樸朱弘祚江

有良王起元宮夢仁線一信陳汝器王日藻衛既濟李應鵬
馬世濟高承爵金鉉楊雍建去欽此欽遵抄出到部擬合就
行為此合咨前去查照本部等衙門會覆奉

旨內事理欽遵施行等因欽遵在案今於八月初五日准部臣
范承勲等咨送

奏稿內稱為

奏明分工事臣等看得原任戶部尚書王日藻病故原任兵
部侍郎楊雍建年老不能行走見任安徽巡撫高承爵已
經赴任所遺未經幫築工程周橋以南小黃莊以北土工

埽工各兩段又原任巡撫江有良年老不能行走且風患
疾症語言不明龍鍾已極見今小黃莊南一段工程已屬
勉強告竣若復領帑幫築必致貽誤雖有良未經具呈告
退然臣等念

圖帑

欽工關係重大難以委諸病人應令其回旗所有小黃莊南見
做工程令其孫候選知縣江夢筆修葺保護候交伊名下
未清錢糧著一併歸結所遺未經幫築周橋以南以及小
黃莊以北土工埽工併五日藻等工程見在分修諸臣各

有分地難以兼顧臣等初動工時即移咨前河臣于成龍等撥同知羅京常維楨通判朱廷植孫調禹守備夏景松等到工俱經

奏明在案羅京有外河之責故原議令守備夏景松夥同料理今四分修所遺工程原闕分王日藻者係孫調禹協築楊雍建者係朱廷植高承爵者係常維楨江有良者係羅京與夏景松今即著此協築之員領帑幫築仍令淮徐道施世綸監工催督并查覈錢糧毋令各員冒帑誤工理合一併

奏明等因到臣准此該臣看得發帑大修高堰工程

特差部臣范承勳等前往督修部臣將小黃莊至周橋分為十四段派與分修官王日藻等加幫至今八月尚未全完茲王日藻病故楊雍建江有良年老高承爵赴任所遺工程部臣范承勳等既不重派於分修官即當分派於奉

旨發往高堰效力之學道方與工程有裨乃派之河官常維楨等修理則與九卿會議差官修理高堰之議未符也查常維楨賠修唐埂南壩尚未興工孫調鳳係降調之員賠修茆家園等三壩亦未興工朱廷植接受靳治齊高堰石工

久未興工羅京加幫濱海堤工見在興修且伊等俱係舊
河官前此經手錢糧徐廷璽至今尚未送到細冊未經清
查完欠今又領部臣大工錢糧誠恐顧此失彼不惟工程
兩誤且幫銀不無牽混應將此工交與效力學道姚淳燾
劉謙吉史陸興陸鳴珂修理彼家有厚貲不敢侵蝕幫銀
且與發往高堰效力之

俞旨相符也臣不避嫌怨不拘情面從高堰工程緊要起見理
合具

題伏乞

皇上睿鑒施行等因康熙三十九年八月初八日題本月二十
八日奉

旨九卿詹事科道會同速議具奏欽此欽遵於八月二十九日
抄出到部該臣等會議得河道總督張鵬翮疏稱發帑大
修高堰工程特差部臣范承勳等前往督修部臣將小黃
莊至周橋分為十四段派與分修官王日藻等加幫茲王
日藻病故楊雍建江有良年老高承爵赴任所道工程部
臣范承勳等派河官常維楨等修理查常維楨賠修唐埂
南壩尚未興工孫調鼎賠修茆家園等三壩亦未興工朱

廷植接受新治齊高堰石工久未興工羅京加幫濱海堤
工見在興修今又領大工錢糧誠恐顧此失彼不惟工程
兩誤且帑銀不無牽混應將此工交與效力學道姚淳素
劉謙吉史陸興陸鳴珂修理彼家有厚貲不敢侵蝕帑銀
且與發往高堰效力之

俞旨相符等因前來查先經尚書范承勳等奏稱姚淳素有椿
木事未完係見任岳常道暫令其回任料理劉謙吉陸鳴
珂俱已年老不能行走既已捐力應令其回籍等因題准
續經尚書范承勳等奏稱王日藻病故楊雍建江有良年

老高承爵已經赴任伊等所遺工程見在分修諸臣各有分地難以兼顧原闕分王日藻者係孫調鼎協築楊雍建者係朱廷植高承爵者係常維禎江有良者係羅京與夏景松今即著此協築之員領帑幫築仍令淮徐道施世綸監工催築併查覈錢糧等因經九卿會議覆准俱各在案今總河張鵬翮既稱常維禎等有賠修唐埂南壩等工恐顧此失彼不惟工程兩誤且帑銀不無牽混將此工交與姚淳燾劉謙吉史陸興陸鳴珂修理彼家有厚貲不敢侵蝕帑銀等語應將王日藻等所遺工程交與姚淳燾等四

人將姚淳燾劉謙吉史陸與陸鳴珂行文尚書范承勳等
總河張鵬翮速行調赴工所領帑修築再先經尚書范承
勳等奏稱催工辦料必須地方賢能道廳一同料理方得
上呼下應無誤工期等因奉

旨准行在案常維楨等原係閩分協築之員又見住高堰工所
前項幫築工程亦應仍令常維楨等協同料理至高堰工
程關係緊要凡在河工大臣理應和衷協同料理使工程
速行告竣今范承勳等具題王日藻等所遺工程應令常
維楨等幫築而張鵬翮又稱常維楨等有賠修工程彼此

互異具題俱屬不合嗣後一應事件務須公同商酌具題
如仍前不行公同商酌彼此互異具題交與該部察議可
也康熙三十九年九月初二日題本月初六日奉

旨總河職任宜專這遣往督修高家堰范承勲等九臣俱著撤
回其督修工程著交與總河張鵬翮餘依議

兵部尚書兼都察院右都御史總督河道提督軍務臣張鵬翔謹
題為

題報開放陶莊引河日期事據外河同知南夢班徐屬同知
李梅等呈稱職等蒙本部院委往陶莊引河會同原任少
詹事邵遠平督率汎弁看守水勢相機開放職等即會同
原任少詹事邵遠平駐工督率汎弁看守今值秋汎水勢
甚長測量黃河水面較比引河水面高三尺三寸於本月
二十一日申時開放水流通暢等因到臣據此該臣看得
陶莊引河尚書范永勳等挑挖尚未開放經臣

題明仍令承修官同地方官看守俟水長時相機開放等因
在案隨委外河同知南夢璠等會同原任少詹事邵遠平
駐工看守臣往來勘視水勢與原任左都御史臣董訥商
訂一遇黃水大長即相機開放今秋汛黃河水勢加長將
陶莊引河於七月二十一日申時開放水勢通流臣乘小
舟入引河由河頭看至河尾見黃水直趨北岍河尾衝刷
水流暢沛皆荷我

皇上指授方畧於南岍建築挑水大壩逼溜北行之所致也衆
民聚觀莫不懽忭臣於二十七日自大通口勘工回復看

陶莊引河水勢暢流民間船隻俱已通行所有開放過陶莊引河日期臣謹會同原任左都御史臣董誥合詞

題報伏乞

皇上睿鑒施行等因康熙四十年七月三十日題九月初一日

奉

旨張鵬翮奏稱開陶莊引河黃河水向北所流去等語若黃河水向北岸流離清口甚遠乘此時自范承勲所築挑水壩起寬長加築堤岸過清口將黃河清口之水儘向下流再合為一處則黃河之水可永無倒灌之虞朕先曾面勅過于成龍

今在河官員亦有知者著張鵬翮將此事問知道的官員詳
明定議其修堤所需錢糧即為估計所修之處著畫圖速行
具奏此事甚為緊要不得輕忽該部知道

兵部尚書兼都察院右都御史總督河道提督軍務臣張鵬翮謹
題為欽奉

上諭事康熙四十年九月十一日於安東縣勘工處所接准工
部咨開為題報開放陶莊引河日期事都水清吏司案呈
奉本部送工科抄出河道總督張鵬翮題前事等因康熙
四十年七月三十日題九月初一日奉

旨張鵬翮奏稱開陶莊引河黃河水向北岸流去等語若黃河
水向北岸流離清口甚遠乘此時自范承勳所築挑水壩起
寬長加築堤岸過清口將黃河清口之水儘向下流再合為

一處則黃河之水可求無倒灌之虞朕先曾面勅過于成龍
今在河官員亦有知者著張鵬翮將此事問知道的官員詳
明定議其修堤所需錢糧卽為估計所修之處著畫圖速行
具奏此事甚為緊要不得輕忽該部知道欽此欽遵抄出到
部移咨到臣敬誦

天語仰見我

皇上至仁如天大智若神治河方畧

睿照於事前應驗於事後

指示周詳平成永賴誠超越萬世之

聖謨也臣自工所星馳至清口齊集衆河官詢問曾知此事之
員止據原任同知常維楨筆帖式馬泰回稱曾聞得前任
總河于成龍云奉

旨接長挑水壩過清口使黃水不得倒灌但我等未聞其詳等
語臣謹遵

聖謨指示自范承勳所築挑水壩起加築堤工至清口西壩長
四百八十丈五尺頂寬六丈底寬十丈再查西堤見長二
十丈今再接長五丈新舊合長二十五丈俾清口黃河之
水向北下流過惠濟祠後合為一處益加暢沛黃水可永

無倒灌之虞估計工料銀四萬九千六百七十兩三錢六分六釐不另請帑銀動支節省銀兩備料修理但臣識見淺陋所議恐有未當伏候

皇上聖裁訓示以便遵行除估冊送部外事關緊要臣謹具疏繪圖差前任按察使趙世顯齎捧請

旨等因康熙四十年九月二十二日題十月初六日奉

旨九卿詹事科道會同速議具奏欽此欽遵抄出到部該臣等會議得河道總督張鵬翮疏稱臣謹遵

聖謨指示自范家壩所築挑水壩起加築堤工至清口西壩長

四百八十丈五尺頂寬六丈底寬十丈再查西壩見長二十丈今再接長五丈俾清口黃河之水向北下流過惠濟祠後合為一處黃河可永無倒灌之虞估計工料銀四萬九千六百七十兩三錢零不另請帑銀動支節省銀兩備料修理等因前來查該督既稱自挑水壩起至清口西壩止加築堤工長四百八十丈五尺西壩接長五丈俾清口黃河之水向北下流過惠濟祠後合為一處黃水可永無倒灌之虞等語應如所題動支節省銀兩速行乘時修築堅固工完之日將用過銀兩覈減造冊題銷其范承勲所

築挑水壩之處仍應遵

旨相時儘力加築寬長以逼黃河北流可也康熙四十年十月初八日題本月初九日奉

旨依議速行欽此欽遵抄出到部移咨到臣准此當行淮揚道遵照修築去後今據淮揚道叅議王謙造冊詳銷等因到臣據此該臣看得挑水壩加築寬長堤工一案臣謹遵

聖謨指示自范承勲所築挑水壩起至清口西壩止加築堤工外下順埽再將西壩接長五丈俾清口黃水向北下流過惠濟祠後合為一處永無倒灌之虞經九卿議覆應如所

題動支節省銀兩遠行乘時修築工完將用過銀兩覈減
題銷等因奉

旨依議遠行欽遵在案今據淮揚道參議王謙詳稱清河南岸
自挑水壩起至清口西壩止工長四百八十丈五尺築堤
下埽西壩原長二十丈今接長五丈又挑水壩西壩各築
鴈翅戢壩共原估工料土方銀四萬九千六百七十兩三
錢六分六釐今已照估價築全完共實用銀三萬九千三
百六十五兩九錢七分節省銀一萬三百四兩三錢九分
六釐委無浮冒造具銷冊前來臣覆覈無異除原冊送部

查覈外相應具

題伏乞

皇上睿鑒勅部覈銷施行等因康熙四十一年三月二十七日

題四月十四日奉

旨著察覈該部知道欽此欽遵於四月十五日抄出到部該臣
等議得河道總督張鵬翮疏稱清河南岸自挑水壩起至
清口西壩止長四百八十丈五尺築堤下埽西壩接長五
丈又挑水壩西壩各築錢壩實用銀三萬九千三百六十
五兩九錢七分節省銀一萬三百四兩三錢九分零委無

浮冒等因前來查前項築堤下埽等工先經該督估用銀
四萬九千六百七十兩三錢零等因具題經九卿議覆准
行在案今該督既稱實用銀三萬九千三百六十五兩九
錢零節省銀一萬三百四兩三錢零委無浮冒等語應將
用過銀兩准其開銷節省銀兩貯庫為河工之用可也康
熙四十一年五月初三日題本月初六日奉

旨依議

兵部尚書兼都察院右都御史總督河道提督軍務臣張鵬翔謹
奏為

奏明事竊惟見今淮黃交會必過來年桃伏秋三汛安瀾無
恙方行

加封河神之典乃為合禮但查順治二年十里河清兩岍克奠
前河臣楊方興題請即蒙

勅封顯佑通濟之號今歲海口疏通濟運神速伏秋二汛黃不
出岸六壩堵閉淮黃交會萬民感頌咸稱我

皇上聖德感孚河神效靈之所致也准禮部議覆已蒙

聖恩允賜封號以答靈貺河神膺

盛朝懷柔之典自必益昭效順之靈來歲桃伏秋三汎河道安

瀾仰荷我

皇上聖謨精詳洪福齊天理可預必

賜封典禮伏候

聖裁施行恭誦

封號顯佑通濟昭靈效順顯佑通濟弘利永寧二條褒揚神庥

極其盡善伏候

聖裁欽定微臣識見淺陋未敢擅便為此具摺付中書吳爾泰

齊捧謹

奏請

旨於康熙四十年二月十六日准禮部咨為河神致靈等事祠
祭清吏司案呈奉本部送禮科抄出先經本部題覆河道
總督張鵬翮請加封金龍四大王緣由奉

旨依議欽此隨行文內閣典籍廳撰擬加封字樣去後今准回
稱本衙門將河道總督張鵬翮題請

顯佑通濟金龍四大王

勅加封號之處於康熙四十年正月二十六日啟奏奉

旨著加封顯佑通濟昭靈效順金龍四大王

兵部尚書兼都察院右都御史總督河道提督軍務臣張鵬翮謹
題為

題明事准工部咨前事該臣看得山陽縣黃河南岸運料河
原任河臣董安國在於遵

旨具奏事案内

題准動帑挑挖未竣旋被童營漫缺淤墊經署理總河印務
原任府尹徐廷璽

題叅撥給捐工人員挑築亦未完工臣查明具

題催追在案臣往來勘工相度形勢查運料河頭起於檀度

寺開久已築壩堵閉詢問其故據土人云運河高於運料河數尺恐其開放建瓴之勢直洩無餘是以歷來堵閉臣測量水平果與土人之言無異夫既堵閉則此河為無源之水不能通濟下流亦難運料是此河已無益於運河矣且汰黃堤原為黃河南畔重門之障運料河身居汰黃樓堤二堤之中從前挑挖此河將草灣並小茨陵二處汰黃堤穿斷雖築有草壩難資捍禦是此河又有礙於堤工矣況歷來運料因此河未成或係由黃河射陽湖轉運以濟工需是此河既不能分洩運河水勢反將有用之汰黃堤

它斷誠屬無益應停其挑它將穿壞汰黃堤二處填築堅
實以作黃河重門之障保固淮安地方大有裨益其各員
應追銀兩追解河庫以備別工之用既據該道廳等會議
相同理合具疏

題明伏乞

皇上睿鑒勅部議覆施行等因康熙四十年十二月二十日題
四十一年正月二十五日奉

旨該部議奏欽此欽遵於正月二十六日抄出到部該臣等議
得河道總督張鵬翮疏稱山陽黃河南岸運料河原任河

臣董安國署理總河印務徐廷璽具題動帑挑築未完臣
查明具題催追在案今相度運料河頭起於檀度寺關久
已築壩堵閉此河為無源之水不能通濟下流亦難運料
且河身居汰黃縷堤二堤之中從前挑挖此河將二處堤
穿斷此河又有礙於堤工況歷來運料係由黃河射陽湖
轉運以濟工需應停其挑挖穿壞堤二處填築堅實各員
應追銀兩追解河庫等因前來查該督既稱運料河不能
通濟運料又有礙堤工等語應停其挑挖將穿斷堤二處
填築堅實各員應追銀兩應令該督速行追完解交河庫

可也康熙四十一年二月十四日題本月十八日奉

旨依議

兵部尚書兼都察院右都御史總督河道提督軍務臣張鵬翮謹
題為欽奉

上諭事康熙三十九年六月二十七日准工部咨開都水清吏
司案呈奉本部送工科抄出該本部等衙門會覆河道總
督張鵬翮題前事等因康熙三十九年五月二十五日奏
六月初八日奉

旨九卿詹事科道會同議具奏欽此該臣等會議得河道總
督張鵬翮疏稱古溝至六壩俱係土堤每年歲修搶修糜
費錢糧似宜修砌石堤可省歲修之費於滾壩告成之後

漸次修舉等語查先經左副都御史王紳條奏周橋以南
土堤應盡改石工經九卿會議覆令總河張鵬翮會同尚
書范承勳等定議具題到日再議等因在案今該督既稱
此堤修砌石工可省歲修之費等語應如所奏修砌石工
一面興工一面將需用銀兩確估具題可也康熙三十九
年六月十三日題本月十五日奉

旨依議速行欽此欽遵抄出到部移咨到臣准此當即微行准
楊道叅議王謙將徐壩迤南一帶應建石工之處確估造
冊去後今據該道冊詳到臣據此該臣看得過清水會黃

入海全在六壩隄防堅固關係最為緊要臣將古溝至六壩土堤應修砌石工具疏

奏

間九卿會議應如所奏修砌石工奉

旨依議速行欽遵在案行據淮揚道叅議王謙詳稱自徐壩迤南起至林家西止應修石工之處共長二千二百五十丈連築越壩共估夫匠料物工價銀二十四萬五千五百六十九兩八錢四分六釐三毫二絲五忽委無浮冒仍於高壩大工節省銀內動支不另請帑造具估冊前來臣親勘

覆覈無異隨委員外郎王登魁候補知府李雯等領帑承
修並委淮揚道叅議王謙候補知府蕭星拱等監工除原
冊送部查覈外相應具疏

題估伏乞

皇上睿鑒勅部迅議施行等因康熙三十九年十一月十三日
題十二月初二日奉

旨該部速議具奏欽此欽遵於十二月初三日抄出到部該臣
等議得河道總督張鵬翮疏稱自徐壩迤南起至林家西
止應修石工共長二千二百五十丈連築越壩共估夫匠

料物工價銀二十四萬五千五百六十九兩八錢四分零
於高堰大工節省銀內動支委員外郎王登魁等承脩淮
揚道王謙等監工等因前來查先經該督將古溝至六壩
土堤宜修砌石工等因具題經九鄉會議覆准行文在案
今既經該督估計具題應行該督速行乘時堅固修砌工
完覈減造冊題銷可也康熙三十一年十二月初五日題
本月初九日奉

旨依議速行欽此欽遵抄出到部移咨到臣准此當即檄行淮
徐淮揚二道轉飭承修人員領帶辦料興砌去後今據署

淮徐道事管理河庫兵部員外郎張弼淮揚道叅議王謙
會詳徐壩石工原有估定丈尺層路載在原估已經送部
今改估超徑越砌換土加石理合詳請

題明以便工完

奏銷相應造冊轉詳等因到臣據此該臣看得古溝迤南至
林家西應建石工經臣具疏

題估部覆准修奉

旨依議速行欽遵在案臣隨分為七段委員領帑辦料興砌去
後今據署淮徐道事管理河庫兵部員外郎張弼淮揚道

參議王謙詳稱此工前年估計時水占堤根今水勢消落
按段興工查勘估建石工之內有古溝茆家園唐埂等壩
係先年衝刷缺口舊有堵塞埽箇不能發椿必須將舊埽
挖去添換新土夯礮堅實方可釘椿砌石又有舊缺口深
塘水深泥淤更難施工相度形勢湏於裏口堅實之地超
徑越砌方得堅固其第一第七二段內超徑越砌減縮工
長一百三十七丈因裏越地勢低窪必須加石二層方與
別工一律相平即將減縮工段銀兩添為加石內截之用
查此工原估工長二千二百五十丈共估工料銀二十四

萬五千五百六十九兩八錢四分六釐三毫二絲五忽內
除椿木一木二截節省銀四萬三千六十兩五錢實存原
估銀二十萬二千五百九兩三錢四分六釐三毫二絲五
忽今改估裏越並拆埽換土超徑建砌短縮工長一百三
十七丈止砌工長二千一百一十三丈連換土添石共估
工料銀二十萬二千一百八兩七錢二分八釐六毫四絲
七忽二微較實存原估又節省銀四百兩六錢一分七釐
六毫七絲七忽八微等因冊詳前來臣率道廳等官復行
確勘工首工尾與原估之處相符於中相機越砌費省工

堅實有裨益因係緊要工程已經開工建砌將估冊送部查覈外相應具疏

題明伏乞

皇上睿鑒施行等因康熙四十一年四月二十七日題五月十

二日奉

旨該部知道欽此欽遵於五月十三日抄出到部該臣等議得河道總督張鵬翮疏稱古溝迤南至林家西應建石工經臣具疏題估部覆准修此工前年估計時水占堤根今水勢消落按段興工查勘估建石工之內有古溝茆家園唐

埂等壩係先年衝刷缺口舊有堵塞埽個不能發椿必須
將舊埽挖去添換新土夯碾堅實方可釘椿砌石又有舊
缺口深塘水深泥淤更難施工須於裏口堅實之地超徑
越砌方得堅固其第一第七二段內超徑越砌減縮工長
一百三十七丈因裏越地勢低窪必須加石二層方與別
工一律相平即將減縮工段銀兩添為加石內餞之用等
因前來應如該督所題作速修砌工完覈減造冊題銷可
也康熙四十一年六月初九日題本月十三日奉

旨依議

兵部尚書兼都察院右都御史總督河道提督軍務臣張鵬翮謹
題為欽奉

上諭事康熙三十九年六月二十七日准工部咨前事內開九
鄉會議河道總督張鵬翮疏稱高堰減水壩前河臣于成
龍等將六壩改為四滾水壩臣覆加相度地勢相去不遠
并為三滾水壩於壩下就原有之草字河唐曹河開為引
河並築順水堤等語應如所奏一面興工一面將需用銀
兩確估具題可也等因奉

旨依議速行欽此欽遵抄出到部移咨到臣准此當經檄行該

道估計催修去後今據淮揚道叅議王謙冊詳到臣據此該臣看得高堰減水壩原任河臣董安國於會勘案内估計發帑一十一萬五百餘兩委原任通判靳治齊購料年久未曾興工續經前河臣于成龍等

題改滾壩四座臣復加相度地勢相去不遠並為三滾水壩於壩下原有之草字河唐曹河開為引河併築順水堤以資宣洩經臣具

題九卿等議覆應如所題等因奉

旨依議速行欽遵在案臣即行令該道估計去後今據淮揚道

參議王謙詳估唐埂北壩以北滾水頭壩一座口寬六十丈估銀五萬五千六百九十兩二錢零周家口迤南滾水二壩一座口寬七十丈估銀六萬一千七百三十七兩二錢零林家西迤南滾水三壩一座口寬七十丈估銀六萬一千八百九十四兩九錢零以上三滾水壩共估銀一十七萬九千三百二十二兩三錢零造冊詳估前來臣親勘覆覈無異隨委監工官淮揚道王謙承修官河南管河道李言徐屬同知李梅黃河同知王霽原任知州韓文煜候選知縣趙之溶王來譽領帑辦料興修除原冊送部查覈

外理合具疏

題估其草字河唐曹河順水堤工見在水占難以探量應俟
水退之後逐段估計一面興工一面具

題再查原任通判靳治齊領帑一十一萬五百餘兩年久並
不修工今已丁憂回旗應請

勅部將靳治齊押解來工將所購料物運至工所清算如有短
少照數追賠叅處相應一併

題明伏乞

皇上睿鑒勅部議覆施行等因康熙三十九年八月初一日題

本月二十二日奉

旨該部議奏欽此欽遵於八月二十三日抄出到部該臣等議
得河道總督張鵬翮疏稱高堰減水壩原任河臣董安國
於會勘案內估計發帑一十一萬五百餘兩委原任通判
靳治齊購料年久未曾興工續經前河臣于成龍等題改
滾水壩四座臣覆加相度地勢相去不遠併為三滾水壩
於壩下原有之草字河唐曹河開為引河並築順水堤以
資宣洩經臣具題九卿議覆應如所題等因在案今三滾
水壩共估銀一十七萬九千三百二十二兩三錢零委准

楊道王謙等領帑辦料興修其草字河唐曹河順水堤工
見在水占難以探量應俟水退後逐段估計一面興工一
面具題再原任通判靳治齊領帑一十一萬五百餘兩年
久並不修工今已丁憂回旗應請

勅部押解來工將所購料物運至工所清算如有短少照數追
賠叅處等因前來應行該督飭令王謙等將滾水壩速行
乘時堅固修砌其草字河唐曹河順水堤既稱見在水占
難以探量等語應俟水退即行估計一面興工一面具題
至原任通判靳治齊應行該都統速行押解河工將從前

領帑購辦料物速行運至工所如有短少查明題奏可也

康熙三十九年九月初四日題本月初九日奉

旨依議欽此欽遵抄出到部移咨到臣又於康熙三十九年十
二月初二日准工部咨為恭報清水出運河寧都水清吏
司案呈奉本部送工科抄出該本部等衙門會覆河道總
督張鵬翮題前事等因康熙三十九年十一月初一日奏
本月十四日奉

旨九卿詹事科道會同議具奏欽此欽遵於十一月十五日
抄出到部該臣等會議得河道總督張鵬翮疏稱臣遵

旨督修高堰堤壩將六壩已閉其五夏家橋堵閉過半惟留口
門三十丈待宿州衛糧艘過湖曾經題報在案今於十月
十九日臣親往高堰六壩一帶催工見湖水長至三尺詢
之土人云因閉壩故爾水長若再加長堤工單薄可虞臣
一面令夏家橋口門緩緩進埽以便分修官上緊臨湖鑲
柴仍催趕期竣工足禦風浪即合龍門於二十二日馳至
清口見引河水勢加長臣將張福口等河口之水匯入裴
家場引河一處俟其水聚力強足以敵黃於二十四日西
南風起引河水驟長比黃水高一尺一寸臣率道廳等官

親放引河之水暢流入於運河但夏家橋口門堵閉後六
壩水勢較今更為加長三滾壩尚未修成設遇西風鼓浪
無處宣洩何以保固堤岨公議於翟家壩原有天然滾水
壩之處地亢土堅仍留天然滾水壩寬百十餘丈用埽裹
住兩頭平漕之水蓄以濟運溢漕之水聽其滾去出唐曹
河入白馬湖若伏秋水大再於蔣家壩盡頭處原有之清
水溝河以及涵洞酌量開放若水小仍然閉塞再查六壩
口寬二百八十丈今清口引河共寬三十餘丈不足以暢
洩全湖之水應發帑再開寬濶使水暢流敵黃至於運河

伏秋水漲應由涇河澗河洩出射陽湖入於海此二河見
在挑濬應將涇澗二閘動帑修補以資啟閉等因前來查
該督既稱夏家橋口門堵後水勢較今更為加長三滾壩
尚未修成於翟家壩仍留天然滾水壩寬百十餘丈用埽
裹住兩頭再於蔣家壩原有之清水溝河以及涵洞酌量
開放清口引河再開寬澗涇澗二閘動帑修補等語應均
如所奏一面乘時速行挑濬修築將夏家橋口門作速堵
塞一面將需用錢糧確估具題可也康熙三十九年十一

月十六日題本月十八日奉

旨依議速行欽此欽遵抄出到部移咨到臣准此隨行該道遵
照確估去後今據淮揚道叅議王謙造冊詳送覈

題等因到臣據此該臣看得高堰三滾水壩下開草字河唐
曹河築順水堤應俟水退估計經臣具

題部覆俟水退即行估計一面興工一面具題等因奉

旨依議欽遵在案今六壩開後河水已退行據淮揚道叅議王
謙詳估草字河築堤長四千八百九十五丈計土方銀五
千六百六十七兩九錢二分零唐曹河築堤長三千三百
一十五丈計土方銀五千二百九十五兩八錢五分零又

翟家壩留天然滾水壩寬百十餘丈宣洩洪湖溢漕之水
經臣具

奏九卿議覆應如所奏一面乘時速行挑濬修築等因奉
旨依議欽遵轉行該道遵照估計去後今據該道王謙詳估開
天然壩二座各口寬六十丈共寬一百二十丈兩頭用柴
裹護並築欄湖越壩二道以便相機開放又臨湖釘鎖口
椿二路以防壩底刷深共估工料銀一千四百五十二兩
三錢六分以上三工共估銀一萬二千四百一十六兩一
錢三分零因係緊要工程臣照部文一面動河庫大工帑

銀委原任同知劉光業等作速修理原任按察使趙世顯
監工并將估冊送部查覈外理合具

題伏乞

皇上睿鑒勅部議覆施行等因康熙四十年三月二十五日題
四月十二日奉

旨該部議奏欽此欽遵於四月十三日抄出到部該臣等議得
河道總督張鵬翮疏稱草字河築堤長四千八百九十五
丈唐曹河築堤長三千三百一十五丈又天然壩二座各
口寬六十丈兩頭用柴裹護并築欄湖越壩二道以便相

機開放又臨湖釘鎖口椿二路以防壩底刷深共估土方
工料銀一萬二千四百一十六兩一錢零因係緊要工程
臣照部文一面動河庫大工帑銀委原任同知劉光業修
理等因前來查先經該督將高堰滾水壩下就原有之草
字河唐曹河開為引河并築順水堤又翟家壩留天然滾
水壩寬百十餘丈以洩洪湖溢漕之水等因具題九卿會
議覆令一面興工一面將需用銀兩確估具題行文在案
今既經該督估計具題應令其速行修築完工覈減造冊
題銷可也康熙四十年四月二十六日題五月初一日奉

旨依議速行欽此欽遵抄出到部移咨到臣准此當經檄行該道轉行修築工完數減詳銷去後今據淮揚道叅議王謙覆數並無浮冒伏候查數

題銷等因冊詳到臣據此該臣看得草字河唐曹河築順水堤並開天然開壩二座經臣具

題估計部覆令其速行修築完工數減造冊題銷奉

旨依議速行欽遵在案今據淮揚道叅議王謙詳稱草字河築堤長四千八百九十五丈唐曹河築堤長三千三百一十五丈天然壩二座以上三工原估銀一萬二千四百一十

六兩一錢四分六釐一毫今工完覈減實用銀一萬九百九十五兩五分二釐五絲節省銀一千四百二十一兩九分四釐五絲並無浮冒等因造冊詳送前來臣覆覈無異除原冊送部查覈外相應具

題伏乞

皇上勅部覈銷施行等因康熙四十一年正月二十八日題二月十八日奉

旨著察覈該部知道欽此欽遵於二月十九日抄出到部該臣等議得先經河道總督張鵬翮將草字河唐曹河築順水

堤並開天然壩二座需用銀一萬二千四百一十六兩一錢零等因估計具題臣部覆令速行修築工完覈減造冊題銷去後今據該督疏稱草字河築堤長四千八百九十五丈唐曹河築堤長三千三百一十五丈天然壩二座寬一百二十丈共實用銀一萬九百九十五兩五分零節省銀一千四百二十一兩九分零並無浮冒等因前來查前項築順水堤並天然壩用過銀兩該督既稱並無浮冒等語應准開銷節省銀兩貯庫爲河工之用可也康熙四十一年三月初三日題本月初五日奉

旨依議